

**Projekat CEB II – “Zatvaranje kolektivnih centara i alternativnih smještaja pružanjem javnih stambenih rješenja
- LD 1789 (2013)” koji implementira PIU FBiH**

Broj: 04-36-1-2053- 1439/13

Datum: 15.06.2020.godine

Na osnovu člana 64. stav (I), tačka b), Člana 70. stav (3) i (6) Zakona o javnim nabavkama („Službeni glasnik BiH” broj:39/14), Rješenja o imenovanju Komisije za javnu nabavku broj: 04-36-1-2053-1384-1/13 od 14.04.2020. godine, te Preporuke Komisije za javne nabavke broj: 04-36-1-2053- 1434/13 od 09.06.2020.godine, u Otvorenom postupku javne nabavke, provedene na osnovu Obavještenja objavljenog na Portalu javnih nabavki pod brojem: 668-1-2-30-3-55/20 od 20.04.2020. godine, federalni ministar raseljenih osoba i izbjeglica, **d o n o s i**:

O D L U K U
O IZBORU NAJPOVOLJNIJEG PONUĐAČA - LOT 1

Član 1.

Prihvata se Preporuka Komisije za javnu nabavku broj: 04-36-1-2053- 1434/13 od 09.06.2020.godine, da se u cilju odabira najpovoljnijeg ponuđača po provedenom Otvorenom postupku javne nabavke usluge nadzora na izgradnji višeporodičnog stambenog objekta u Gradu Mostar (24 stambene jedinice) u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Podprojekt 116, Ugovor za javnu nabavku radova dodijeli ponuđaču **Institut za građevinarstvo „IG” d.o.o. Banja Luka**, sa registriranim sjedištem u Ul. Kralja Petra I Karađorđevića 92-98, 78000 Banja Luka, JIB: 44400918310005, i sa najbolje ocijenjenom i prihvatljivom ponudom broj: 1554/20 od 08.05.2020.godine, za ponuđenu cijenu od **14.742,00 KM** sa PDV-om.

Član 2.

Prijedlog Ugovora o nabavci dostavit će se na potpis izabranom ponuđaču po proteku roka od 15 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Kandidat/ponuđač kojem je dodijeljen Ugovor je obavezan dostaviti dokaze o kvalifikaciji ponuđača, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14), iz Priloga 4. tenderske dokumentacije i člana 50. stav (1) tačke a), b) i g) Zakona o javnim nabavkama („Službeni glasnik BiH”, broj: 39/14) iz Priloga 4. tenderske dokumentacije, u roku od 5 dana. Rok od 5 dana teče od dana zaprimanja obavještenja o rezultatima postupka javne nabavke.

Član 4.

Ova Odluka objavit će se na web-stranici Ugovornog organa (www.fmroi.gov.ba) istovremeno s upućivanjem primjeraka Odluka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” broj:39/14).

Član 5.

Ova odluka stupa na snagu danom donošenja.

Obrazloženje

Postupak javne nabavke usluge nadzora na izgradnji višeporodičnog stambenog objekta u Gradu Mostar (24 stambene jedinice) u okviru Projekta CEB II "Zatvaranje kolektivnih centara i alternativnih smještaja putem javnih stambenih rješenja" - Podprojekt 116, pokrenut je Odlukom o pokretanju postupka javne nabavke broj: 04-36-1-2053-1384/13 od 14.04.2020. godine.

Procijenjena vrijednost javne nabavke je 15.640,00 KM bez PDV-a.

Javna nabavka je planirana u Anexu Plana javnih nabavki, za projekat CEB II-PIU FBiH, koji je objavljen na web stranici Ugovornog organa (www.fmroi.gov.ba) u skladu sa članom 17. Zakona o javnim nabavkama („Službeni glasnik BiH” broj:39/14). Javna nabavka je sprovedena Otvorenim postupkom u skladu sa Zakonom o javnim nabavkama („Službeni glasnik BiH”, broj: 39/14).

Kriterij za ocjenu ponuda je "najniža cijena" tehnički zadovoljavajuće ponude.

Obavještenje o nabavci broj: 668-1-2-30-3-55/20 je objavljeno na Portalu javnih nabavki (www.ejn.gov.ba) dana 20.04.2020. godine. Sažetak Obavještenja o nabavci je objavljen u „Službenom glasniku BiH”, broj 23 str.16 od 24.04.2020. godine.

Komisija za javnu nabavku imenovana je Rješenjem Ugovornog organa, broj: 04-36-1-2053-1384-1/13 od 14.04.2020. godine. Komisija za javnu nabavku dostavila je Zapisnik o pregledu i ocjeni ponuda odgovornoj osobi Ugovornog organa, u postupku javne nabavke usluge nadzora na izgradnji višeporodičnog stambenog objekta u Gradu Mostar (24 stambene jedinice) u okviru Projekta CEB II "Zatvaranje kolektivnih centara i alternativnih smještaja putem javnih stambenih rješenja" - Podprojekt 116, kojeg implementira PIU FBiH.

U Zapisniku o pregledu i ocjeni ponuda utvrđeno je da je Komisija u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinila odgovarajući Zapisnik, u kojem je utvrđeno slijedeće:

- U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

Redni broj koverta ponude	Naziv i sjedište ponuđača	Koverta ispravno zatvorena (zapečaćena ili potpisana) (da/ne)	Ukupna cijena ponude (bez PDV-a)	Ponuđeni popust
1.	Forma - AGD d.o.o. Zenica	Da	15.640,00 KM	2.658,80 KM
2.	Institut za građevinarstvo „IG” Banja Luka	Da	15.600,00 KM	0%
3.	Radis d.o.o. Istočno Sarajevo	Da	15.550,00 KM	0%

Konstatovano je:

- da su ukupno dostavljene tri (3) ponude,
- da su blagovremeno zaprimljene tri (3) ponude,
- da nije bilo neblagovremeno zaprimljenih ponuda i
- da sve blagovremeno dostavljene ponude u postupku nabavke ispunjavaju formalno - pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda u skladu sa Zakonom o javnim nabavkama („Službeni glasnik BiH” broj:39/14) i kriterijima iz tenderske dokumentacije.

Svi članovi Komisije sa pravom glasa koristili su tabelu za tehničku evaluaciju, kako bi procijenili ispunjenost tehničkih uslova propisanih tenderskom dokumentacijom u okviru ponuda koje ispunjavaju formalne uslove.

U procesu tehničke evaluacije ponuda, a na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, ustanovljeno je da sljedeća ponuda **ne ispunjava** tehničke uslove date u tenderskoj dokumentaciji:

1) Ponuda ponuđača Radis d.o.o. Istočno Sarajevo odbačena je na osnovu člana 68. stav (1) Zakona o javnim nabavkama (Sl. Glasnik BiH broj: 39/14) iz razloga jer navedeni ponuđač nije ispunio uslove iz člana 48. stav (2) Zakona o javnim nabavkama („Službeni glasnik BiH”, broj 39/14) i tačke 9.3.1 podtačka a) tenderske dokumentacije.

Ponuđač Radis d.o.o. Istočno Sarajevo, redni broj ponude 3, nije kvalifikovan iz razloga jer ponuđač u svojoj ponudi nije dostavio dokaze tražene tačkom 9.3.1 podtačka a) tenderske dokumentacije kojom je propisano sljedeće:

9.3.1 Minimalni dokazi koji se zahtijevaju za tehničku i profesionalnu sposobnost ponuđača da realizuje predmet ugovora su:

a) Spisak izvršenih ugovora, u skladu sa članom 48. Stav (2) ZJN, a koji su u vezi sa predmetnom nabavkom, za period ne duži od tri godine od dana podnošenja ponude ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine:

- Ponuđači podnose dokaz o uredno izvršenim ugovorima u formi spiska izvršenih ugovora uz potvrdu koju daje druga ugovorna strana o njihovoj realizaciji.

- Spisak izvršenih ugovora mora biti ovjeren i potpisan od strane ponuđača. Ugovori navedeni u Spisku izvršenih ugovora moraju biti u vezi sa predmetnom nabavkom, za period ne duži od tri godine od dana podnošenja ponude ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od tri godine. Spisak izvršenih ugovora minimalno treba da sadrži sljedeće informacije, za svaki ugovor posebno:

- a. naziv pravnog lica za koje je ugovor izvršen,*
- b. predmet izvršenja ugovora,*
- c. vrijednost izvršenog ugovora, i*
- d. godinu izvršenja ugovora.*

- Potvrda o uredno izvršenim ugovorima mora sadržavati sljedeće podatke:

- a. Naziv i sjedište ugovornih strana ili privrednih subjekata;*
- b. Predmet ugovora;*
- c. Vrijednost ugovora;*

- d. *Vrijeme i mjesto izvršenja ugovora;*
e. *Navode o uredno izvršenim ugovorima.*
- *Potvrda o uredno izvršenim ugovorima mora biti izdata na memorandumu pravnog lica za koje je ugovor izvršen i mora sadržavati datum i broj protokola, kao i potpis i pečat.*

Potvrde se u ponudi dostavljaju kao obične kopije.

- *U slučaju da ponuđač iz objektivnih razloga ne može dobiti potvrde o uredno izvršenim ugovorima od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju. Izjava o uredno izvršenim ugovorima mora biti ovjerena kod nadležnog organa (sud, notar, općina) i ista ne smije biti starija od 15 dana od dana predaje ponude.*

- *Ukupna vrijednost izvršenih ugovora mora biti minimalno 15.000,00 KM, bez obračunatog PDV-a.*
- *Kao dokaz kod računanja ukupne vrijednosti uzima se zbir svih vrijednosti ugovora iz potvrda o uredno izvršenim ugovorima, a za ponuđače koji iz objektivnih razloga nisu u mogućnosti obezbijediti potvrde o uredno izvršenim ugovorima kao dokaz se uzima vrijednost izvršenih ugovora iskazana u izjavi privrednog subjekta o uredno izvršenim ugovorima.*

Ponuđač je u cilju dokazivanja ispunjenosti uslova iz tačke 9.3.1 podtačka a) tenderske dokumentacije dostavio samo jednu potvrdu o uspješnoj realizaciji ugovora, broj: 11/06-500-24-73/18 od 24.12.2018. godine, izdatu od strane Ministarstva zdravlja i socijalne zaštite RS, ukupne vrijednosti realizovanih usluga 2.498.000,00 eura bez PDV-a.

Uvidom u dostavljenu potvrdu o uspješnoj realizaciji ugovora broj: 11/06-500-24-73/18 od 24.12.2018. godine, izdatu od strane Ministarstva zdravlja i socijalne zaštite RS, Komisija je utvrdila da je ista izdata za grupu ponuđača (joint venture) JV AECOM-RADIS, kojeg čine AECOM INOCSA S.L.U., Cl Alfonso XII 62 Madrid 28014 Španija, AECOM INGENIERIA S.R.L. 68 – 72 POLONA 0105050 Bukurešt, Rumunija i RADIS d.o.o. Istočno Sarajevo, zastupanog od strane pravnog predstavnika AECOM INOCSA S.L.U kao vodećeg partnera JV Carlos Sierra učestvovala u realizaciji ugovora broj: BIH/RS/EIB/MOHSW-003/14-2 od 26.10.2015.godine koji se odnosi na Konsultantske usluge za Ugovorni menadžment i superviziju radova za Projekat: „Rekonstrukcija i opremanje Centralnog medicinskog bloka i izgradnju novog Sjevernog krila CMB Univerzitetske bolnice KC Banja Luka“, ukupne vrijednosti realizovanih usluga 2.498.000,00 eura bez PDV-a i perioda izvršenja 37 mjeseci počev od 24.11.2015.godine

Komisija je također prilikom pregleda navedene potvrde konstatovala da je u istoj navedeno da je predmetni ugovor realizovan u periodu 37 mjeseci počev od 24.11.2015. godine, koja je neprihvatljiva kao dokaz za ugovorni organ. Uslov za reference (spisak izvršenih ugovora), propisan je tačkom 9.3.1 podtačka a) tenderske dokumentacije, da su **ugovori realizovani u posljedne tri (3) godine od dana predaje ponude** (ponuda zaprimljena dana 12.05.2020.godine). Period od tri godine prema uslovima iz Tenderske dokumentacije se računa u periodu od 12.05.2020. godine do 12.05.2017. godine, i samo u tom periodu su prihvatljivi uredno izvršeni ugovori kao dokaz. Obzirom da je period izvršenja ugovora iz predmetne potvrde veći od perioda traženog uslovima iz tenderske dokumentacije, a da za dio perioda koji je prihvatljiv od 24.11.2017. do 24.11.2018. godine, nije iskazao vrijednost izvršenih radova, što je bio obavezan prema uslovima iz TD, predmetna Potvrda o urednom izvršenju ugovora kao dokaz se ne može prihvatiti. (vidjeti Rješenje Ureda za razmatranje žalbi BiH broj: JN2-01-07-1-11/20 od 30.01.2020.godine)

Gore navedenom tačkom tenderske dokumentacije jasno i precizno je navedeno da ukupna vrijednost izvršenih ugovora mora biti minimalno 15.000,00 KM, bez obračunatog PDV-a. Dakle, imajući u vidu citirani zahtjev, jasno se zaključuje da gore navedena Potvrda ne ispunjava uslov minimalne vrijednosti od 15.000,00 KM bez PDV-a, te da nije ostvarena ukupna vrijednost izvršenih ugovora, kako je to traženo pomenutom tačkom tenderske dokumentacije.

- U tabeli br. 2 dat je pregled i izvršeno je rangiranje prihvatljivih ponuda prema kriterijumu za izbor ponude „najniža cijena“, uz uvažavanje preferencijalnog tretmana domaćeg kako slijedi:

RB	Naziv ponuđača	Cijena iz obrasca ponude bez popusta i bez PDV-a	Popust	Ukupna cijena nakon računске provjere (sa popustom i bez PDV-a)	Umanjenje cijene u svrhu poređenja domaćih ponuda primjenom preferencijalnog faktora od 5%	Ponudena cijena (sa popustom i bez PDV-a) nakon primjene preferencijalnog tretmana domaćeg
1.	Forma - AGD d.o.o. Zenica	15.640,00 KM	2.658,80 KM	12.981,20 KM	649,06 KM	12.332,14 KM
2.	Institut za građevinarstvo „IG“ Banja Luka	15.600,00 KM	0%	15.600,00 KM	780,00 KM	14.820,00 KM

Ponude ponuđača Forma - AGD d.o.o. Zenica i Instituta za građevinarstvo „IG“ Banja Luka prihvatljive su za Ugovorni organ, dostavljeni su svi traženi dokazi propisani tenderskom dokumentacijom na propisan način te su iste dalje bile predmet provođenja postupak nabavke uz korištenje sistema E-aukcije za kriterij cijene „najniža cijena“, kako slijedi:

Podaci o provedenoj e-aukciji:

- Broj postupka: 668-1-2-30/20
- Datum i vrijeme zakazivanja e-Aukcije: 29.05.2020. u 08:12:27
- Vrsta postupka: Otvoreni postupak
- Kriterij za dodjelu ugovora: Najniža cijena
- Naziv predmeta ugovora: CEB II – Nabavka usluge nadzora na izgradnji višeporodičnog stambenog objekta u Gradu Mostar (24 stambene jedinice) u okviru Projekta CEB II “Zatvaranje kolektivnih centara i alternativnih smještaja putem javnih stambenih rješenja” - Podprojekt 116 - LOT 1
- Preferencijalni faktor: 5%

6. Početna rang lista ponuđača koji su pozvani da učestvuju u E-aukciji:

R.br.	Naziv ponuđača	IDB/JIB	Početna cijena u KM bez PDV-a	Rang
1.	Forma - AGD d.o.o. Zenica	4218840730000	12.981,20 KM*	1.
2.	Institut za građevinarstvo „IG“ Banja Luka	4400918310005	15.600,00 KM*	2.

*Označava cijenu na koju se primjenjuje preferencijalni tretman

7. Tok E-aukcije

- Period trajanja e-Aukcije
- Početak: 1.06.2020. 11:00:00
- Završetak: 1.06.2020. 11:38:00

Minimalna razlika podnesene cijene: 12,33

Maksimalna razlika podnesene cijene: 1233,21

- Konačna rang lista ponuđača koji su učestvovali u E-aukciji:

R.br.	Naziv ponuđača	IDB/JIB	Konačna cijena u KM bez PDV-a	Rang
1.	Institut za građevinarstvo „IG“ Banja Luka	4400918310005	12.600,00 KM*	1.

2.	Forma - AGD d.o.o. Zenica	4218840730000	12.677,00 KM*	2.
----	---------------------------	---------------	---------------	----

*Označava cijenu na koju se primjenjuje preferencijalni tretman

U skladu sa gore navedenim Komisija za javnu nabavku je shodno provedenoj ocjeni prihvatljivih ponuda i utvrđenoj rang listi uz Zapisnik o pregledu i ocjeni ponuda, broj: 04-36-1-2053-1432/13 od 08.06.2020. godine, dala svoju Preporuku za prihvatanje ponude i donošenje Odluke o izboru najpovoljnijeg ponuđača broj: 04-36-1-2053-1434 /13 od 09.06.2020. godine, za dodjelu Ugovora ponuđaču **Institut za građevinarstvo „IG“ Banja Luka**.

Uzimajući u obzir naprijed navedeno, primjenom člana 64., stav 1., tačka b) Zakona o javnim nabavkama („Službeni glasnik BiH” broj: 39/14), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

dr.sci. Edin Ramić

Dostaviti:

- Svim učesnicima u postupku
- Web stranica Ministarstva
- Radna grupa za javne nabavke Projekta CEB II
- a/a